

საქართველოს შინაგან საქმეთა სამინისტროს საპატრულო პოლიციის დეპარტამენტი

დაშვების საბარათე სისტემის (მონტაჟით) შესყიდვა
სატენდერო კომისიის სხდომის
ოქმი №1

თბილისი

- 30 - დეკემბერი 2021 წელი

დღის წესრიგი:

1. სატენდერო პირობებისა და სახელმწიფო შესყიდვების შესახებ ხელშეკრულების პროექტის განხილვა და დამტკიცება.

სატენდერო კომისიის სხდომას ესწრებოდნენ:

კომისიის თავმჯდომარე	–	შალვა ბულაშვილი
კომისიის თავმჯდომარის მოადგილე	–	ლაშა ფაიქიძე
კომისიის წევრები	–	გივი ფერაძე სერგო მოდებაძე ვალერი ხურცილავა ლაშა სარჯველაძე
კომისიის აპარატის წევრები	–	დავით გუმბერიძე დავით ზანდარაშვილი მიხეილ ტიშჩენკო უჩა ცუცქირიძე ანა ლაგაზიძე მარია ფრანგულიანი სოფიო ნატრიაშვილი

სატენდერო კომისიის სხდომას ვერ ესწრებოდნენ:

კომისიის წევრი	–	გურამ გალოგრე
მოწვეული კონსულტანტი	–	დავით ოთარაშვილი
კომისიის აპარატის წევრი	–	თამარ ციხისელი

კომისიამ მოისმინა და განიხილა:

სატენდერო კომისიის აპარატის წევრმა, უჩა ცუცქირიძემ მოახსენა კომისიის წევრებს, რომ შსს საპატრულო პოლიციის დეპარტამენტს 2022 წლისთვის ესაჭიროება დაშვების საბარათე სისტემის (მონტაჟით) შესყიდვა, რასთან დაკავშირებითაც გააცნო შენობათა და მატერიალურ ფასეულობათა ექსპლუატაციის განყოფილების თანამშრომლების მიერ შემუშავებული შესყიდვის ობიექტის ტექნიკური და ოპტიმალური მახასიათებლები. შემდეგ კომისიის აპარატის წევრმა დავით ზანდარაშვილმა განმარტა, რომ აღნიშნული შესყიდვა მოქმედი კანონმდებლობის შესაბამისად უნდა განხორციელდეს 2022 წლის ასიგნებების ფარგლებში.

შემდეგ სატენდერო კომისიის აპარატის წევრებმა მოახსენეს კომისიას, რომ საქართველოს შინაგან საქმეთა მინისტრის 2015 წლის 01 ოქტომბრის №756 ბრძანების შესაბამისად, შესყიდვის პროცედურის განხორციელებაზე თანხმობის მიღების მიზნით სატენდერო დოკუმენტაციის პროექტი გადაგზავნილ იქნა შსს

ეკონომიკურ დეპარტამენტში, ამასთან კომისიის წევრებს განსახილველად წარუდგინეს შსს ეკონომიკური დეპარტამენტიდან 2021 წლის 29 დეკემბერს №3281902 სამსახურებრივი ბარათით მიღებული თანხმობა რეკომენდაციების გათვალისწინებით.

სატენდერო კომისიამ განიხილა აღნიშნულ შესყიდვასთან დაკავშირებული საკითხები, გაითვალისწინა შსს ეკონომიკური დეპარტამენტიდან მიღებული რეკომენდაციები და შესყიდვის ობიექტის თავისებურებებიდან გამომდინარე განსაზღვრა ის სატენდერო პირობები, რომლებსაც უნდა აკმაყოფილებდეს შესყიდვის ობიექტი, პრეტენდენტი და მისი ტექნიკური დოკუმენტაცია, ამასთან კომისიის წევრებმა განაცხადეს:

- საქონლის მიწოდების/მონტაჟის ვადა განისაზღვროს ხელშეკრულების ძალაში შესვლის დღიდან 10 სამუშაო დღის განმავლობაში;
- შესყიდვის ობიექტის საგარანტიო ვადად განისაზღვროს საქონლის მონტაჟიდან არანაკლებ 1 წელი, ხოლო საგარანტიო პერიოდში გამოვლენილი დეფექტის აღმოფხვრა განხორციელდეს შეკეთების ან ახლით შეცვლის პირობით შემსყიდველის მხრიდან შეტყობინების მიღებიდან 5 სამუშაო დღის განმავლობაში;
- პრეტენდენტის მიერ წარმოდგენილ იქნეს წამკითხველ/კონტროლერის მწარმოებლის ავტორიზაციის ფორმა ე.წ. MAF შემსყიდველის, პრეტენდენტის კომპანიისა და ტენდერის ნომრის მითითებით;
- იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის საგარეულო ღირებულებაზე, პრეტენდენტს მოეთხოვება ფასწარმოქმნის ადეკვატურობის დასაბუთება, რისთვისაც განესაზღვრება არაუმეტეს 3 სამუშაო დღე. ფასწარმოქმნის ადეკვატურობის დასაბუთებლად პრეტენდენტის მიერ წარმოდგენილ უნდა იქნეს ექსპერტიზის ან/და აუდიტის მიერ გაცემული შესაბამისი დასკვნა, რომელშიც უნდა დასტურდებოდეს ტექსტობრივად მკაფიოდ უნდა იკვეთებოდეს ტენდერში პრეტენდენტის მიერ ატვირთულ საბოლოო ფასების ცხრილში დაფიქსირებული ერთეულის ფასებით და აგრეთვე ჯამური ღირებულებით ამავე ფასების ცხრილით განსაზღვრული საქონლის მიწოდების შესაძლებლობა. დასკვნასთან ერთად წარმოდგენილ უნდა იქნეს დასკვნის გამცემი პირის უფლებამოსილების დამადასტურებელი დოკუმენტების ასლი.

კომისიის აპარატმა კომისიის წევრების მოსაზრებების გათვალისწინებით შეადგინა სატენდერო პირობები და სახელმწიფო შესყიდვის შესახებ ხელშეკრულების პროექტი, რომელსაც გაეცნენ სატენდერო კომისიის წევრები და მიიღეს გადაწყვეტილება.

სატენდერო კომისიამ დაადგინა:

1. დამტკიცდეს სატენდერო პირობები და სახელმწიფო შესყიდვის შესახებ ხელშეკრულების პროექტი.
2. დაევალოს სატენდერო კომისიის აპარატს, კანონის მოთხოვნების შესაბამისად უზრუნველყოს ერთიან ელექტრონულ სისტემაში აუქციონის გარეშე ელექტრონული ტენდერის ჩატარების შესახებ განცხადების გამოქვეყნება, სატენდერო დოკუმენტაციის ელექტრონული შევსება და სახელმწიფო შესყიდვების შესახებ ხელშეკრულების პროექტის განთავსება.
3. სატენდერო კომისიის მიერ დამტკიცებული სატენდერო პირობებისა და სახელმწიფო შესყიდვის შესახებ ხელშეკრულების პროექტის შესაბამისად დაშვების საბარათე სისტემის (მონტაჟით) შესყიდვის მიზნით, გამოცხადდეს აუქციონის გარეშე ელექტრონული ტენდერი.

4. დაევალოს სატენდერო კომისიის აპარატს უზრუნველყოს სატენდერო კომისიის სხდომის ოქმი №1-ისა და სატენდერო კომისიის მიერ დამტკიცებული სატენდერო მასალის ატვირთვა ერთიან ელექტრონულ სისტემაში.

კომისიის თავმჯდომარე:

შალვა ბულაშვილი



კომისიის თავმჯდომარის მოადგილე:

ლაშა ფაიქიძე



კომისიის წევრები:

გივი ფერაძე



სერგო მოდებაძე



ვალერი ხურცილავა



ლაშა სარჯველაძე

კომისიის აპარატის წევრები:

დავით გუმბერიძე



დავით ზანდარაშვილი

დ. ზანდარაშვილი

მიხეილ ტიშჩენკო

მიხეილ ტიშჩენკო

ურბა ცუცქერიძე

ურბა ცუცქერიძე

ანა ლაგაზიძე

ანა ლაგაზიძე

მარია ფრანგულიანი

მ. ფრანგულიანი

სოფიო ნატრიაშვილი

ს. ნატრიაშვილი

შესყიდვა დასრულებულია პირითად დროში. დამატებითი რაუნდები არ გაიმართება

შესყიდვის ტიპი	ელექტრონული ტენდერი აუქციონის გარეშე(NAT)	
განცხადების ნომერი	N/A	დამატე რჩეულებში
შესყიდვის სტატუსი	 განცხადების პროექტი	
შემსყიდველი	 შსს საპატრულო პოლიციის დეპარტამენტი	

შესყიდვის გამოცხადების თარიღი

წინადადებების მიღება იწყება 23.11.2021 00:00

წინადადებების მიღება მთავრდება 25.11.2021 12:00

დაფინანსება 2022 წლის სახსრები

შესყიდვის სავარაუდო ღირებულება 10' 080.00 GEL

წინადადება წარმოდგენილი უნდა იყოს დღგ-ს გათვალისწინებით

კლასიფიკატორის (CPV) კოდი და კლასიფიკატორის დანაყოფი

- 35100000 - საგანგებო სიტუაციების დროს გამოსაყენებელი მოწყობილობები და უსაფრთხოების საშუალებები

კლასიფიკატორის (CPV) კოდი და შესყიდვის კონკრეტული ობიექტი

- 35121000 - უსაფრთხოების უზრუნველყოფის მოწყობილობები

შესყიდვის რაოდენობა ან მოცულობა	მოცემულია სატენდერო დოკუმენტაციაში
მოწოდების ვადა	ხელშეკრულების ძალაში შესვლის დღიდან 5 სამუშაო დღის განმავლობაში
შეთავაზების ფასის კლების ბიჯი	40.00 GEL
გარანტიის ოდენობა	101 GEL
გარანტიის მოქმედების ვადა	160 დღე
დამატებითი ინფორმაცია	

დაშვების საბარათე სისტემის (მონტაჟით) შესყიდვა

▼ შესყიდვის ობიექტის აღწერასთან დაკავშირებული ინფორმაცია

☐ 1.1 მიუთითეთ შესყიდვის ობიექტის დასახელება

დაშვების საბარათე სისტემის (მონტაჟით) შესყიდვა

☐ ☐ 1.2 მიუთითეთ საქონლის/მომსახურების/სამუშაოს აღწერა (ტექნიკური დავალება), შესყიდვის ობიექტის რაოდენობა/მოცულობა

- მიბმული ფაილის სახით იხილეთ დაშვების სისტემების მოსაწყობად საჭირო აპარატურის ტექნიკური მახასიათებლები;
- შემოთავაზებული დაშვების საბარათე სისტემა თავსებადი უნდა იყოს შსს/სუს არსებულ პროგრამულ უზრუნველყოფასთან.

☐ 1.3 ატვირთეთ ფასების ცხრილი/ხარჯთაღრიცხვა

☐ 1.4 მიუთითეთ საქონლის მიწოდების/მომსახურების გაწევის/სამუშაოს შესრულების ვადა

საქონლის მიწოდება/მონტაჟის ვადა: ხელშეკრულების ძალაში შესვლის დღიდან 10 (ათი) სამუშაო დღის განმავლობაში.

☐ 1.5 მიუთითეთ საქონლის მიწოდების/მომსახურების გაწევის/სამუშაოს შესრულების ფორმა და ადგილი

საქონლის მიწოდების/მონტაჟის ადგილი: ქ. თბილისი, ნოე რამიშვილის ქ. N38, შსს საპატრულო პოლიციის დეპარტამენტის ადმინისტრაციული შენობა.

☐ 1.7 მოითხოვება თუ არა ინფორმაცია საგარანტიო ვადის შესახებ?

კი

☐ ☐ 1.7.1 მიუთითეთ საგარანტიო ვადასთან დაკავშირებული მოთხოვნები

- მიწოდებულ და დამონტაჟებულ საქონელზე საგარანტიო ვადის ათვლა იწყება საქონლის დამონტაჟების დღიდან და მიუხედავად ხელშეკრულების მოქმედების ვადისა მოქმედებს არანაკლებ 1 (ერთი) წლის ვადით;
- მიწოდებული და დამონტაჟებული საქონელი არ უნდა იყოს ექსპლუატაციაში წამოყვანილი, დაზიანებული, არ უნდა გამოავლინოს ხარვეზები და უნდა იყოს მოხმარებისთვის ვარგისი, ამასთან, სრულ შესაბამისობაში უნდა იყოს სატენდერო დოკუმენტაციით განსაზღვრულ პირობებთან;
- შემოთავაზებულ საქონელზე საგარანტიო პერიოდში გამოვლენილი დეფექტის აღმოფხვრა უნდა განხორციელდეს შეკეთების ან ახლით შეცვლის პირობით, შემსყიდველის მხრიდან შეტყობინების მიღებიდან 5 (ხუთი) სამუშაო დღის განმავლობაში;
- საქონლის მონტაჟის მომსახურება გაწეულ უნდა იქნეს მაღალხარისხოვნად და არ უნდა გამოავლინოს ხარვეზი;
- საგარანტიო პერიოდში არახარისხოვნად გაწეული მონტაჟის მომსახურების შედეგად გამოვლენილი დეფექტის აღმოფხვრა, ასევე ნებისმიერი სახის ზიანის გამოსწორება უნდა განხორციელდეს შემსყიდველის მხრიდან შეტყობინების მიღებიდან 5 (ხუთი) სამუშაო დღის ვადაში.

- შეტყობინება შესაძლებელია განხორციელდეს როგორც წერილობით, ისე ელექტრონული ფოსტის საშუალებით ერთიან ელექტრონულ სისტემაში მიმწოდებლის პროფილში მითითებულ ელექტრონულ ფოსტაზე, ან მიმწოდებლის მიერვე შემსყიდველისთვის მითითებულ სხვა ელექტრონულ ფოსტაზე. შეტყობინება ასევე შესაძლებელია განხორციელდეს მხარეთა მიერ შეთანხმებული სხვა ნებისმიერი ფორმით.

▼ ტექნიკური მოთხოვნები

☐ 2.1 მოითხოვება თუ არა ინფორმაცია შესყიდვის ობიექტის სასაქონლო ნიშნის, პატენტის, მოდელის, წარმოშობის წყაროს ან/და მწარმოებლის შესახებ?

კი

☐ ☐ 2.1.1 მიუთითეთ, თუ რა ინფორმაცია მოითხოვება შესყიდვის ობიექტის სასაქონლო ნიშანთან, პატენტთან, მოდელთან, წარმოშობის წყაროსთან ან/და მწარმოებელთან დაკავშირებით

2.1.1.1 პრეტენდენტი ვალდებულია 1.3. პუნქტით გათვალისწინებული ფასების ცხრილის (დანართი N1) მე-3 გრაფაში მიუთითოს შესყიდვის ობიექტის წარმოშობის ქვეყანა, მწარმოებელი ან ბრენდი და მოდელი (ასეთის არსებობის შემთხვევაში).

2.1.1.2 პრეტენდენტის მიერ 2.1.1.1 პუნქტით გათვალისწინებული ინფორმაციის წარმოდგენლობა დაზუსტებას არ დაექვემდებარება და გამოიწვევს მის დისკვალიფიკაციას.

☐ 2.2 მოითხოვება თუ არა ინფორმაცია პრეტენდენტის გამოცდილების შესახებ?

არა

☐ 2.3 მოითხოვება თუ არა ინფორმაცია პრეტენდენტის მატერიალურ-ტექნიკური ბაზის შესახებ?

არა

☐ 2.4 მოითხოვება თუ არა ინფორმაცია პრეტენდენტის პერსონალის გამოცდილების შესახებ?

არა

☐ 2.5 მოითხოვება თუ არა დეტალური ინფორმაცია საქონლის მიწოდების/მომსახურების გაწევის/სამუშაოს შესრულების ვადების შესახებ (გეგმა-გრაფიკი)?

არა

☐ 2.6 მოითხოვება თუ არა ინფორმაცია პრეტენდენტის ფინანსური შესაძლებლობების შესახებ (გარდა სარეგისტრაციო/უფლებრივი მონაცემებისა)?

არა

☐ 2.7 მოითხოვება თუ არა ინფორმაცია ლიცენზიასთან, აკრედიტაციასთან, სტანდარტებთან, ხარისხის შესაბამისობასთან და სხვ. დოკუმენტებთან დაკავშირებით?

კი

☐ ☐ 2.7.1 მიუთითეთ ლიცენზიასთან, სტანდარტებთან, აკრედიტაციასთან, ხარისხის შესაბამისობასთან და სხვ. დოკუმენტებთან დაკავშირებული მოთხოვნები

- პრეტენდენტმა უნდა წარმოადგინოს წამკითხველ/კონტროლერის მწარმოებლის ავტორიზაციის ფორმა ე.წ. MAF შემსყიდველის, პრეტენდენტის კომპანიისა და ტენდერის ნომრის მითითებით;

- უცხოენოვანი დოკუმენტ(ებ)ის წარმოდგენის შემთხვევაში, მას უნდა დაერთოს საქართველოს მოქმედი კანონმდებლობის შესაბამისად დამოწმებული თარგმანი ქართულ ენაზე.

☐ 2.8 მოითხოვება თუ არა ინფორმაცია ქვეკონტრაქტორის შესახებ?

არა

☐ ☐ 2.9 სხვა დამატებითი მოთხოვნები (ველის შევსება არ არის საავალდებულო)

დამატებითი მოთხოვნები:

1. შემოთავაზებული საქონლის ფასი უნდა შეიცავდეს მიმწოდებლის ყველა ხარჯს, მათ შორის ტრანსპორტირების და მონტაჟის ხარჯსა და საქართველოს კანონმდებლობით დადგენილ ყველა გადასახადს, დაკავშირებულს საქონლის მიწოდებასთან და შემსყიდველის საკუთრებაში გადაცემასთან.

2. შემოთავაზებული საქონლის საერთო და ერთეულის ფასების წარმოდგენა დასაშვებია მხოლოდ ლარში.

3. თუ ელექტრონული ვაჭრობის შედეგად ერთიან ელექტრონულ სისტემაში დაფიქსირებული საბოლოო ფასიდან გამომდინარე ერთეულის ღირებულებები დაჯდება მრავალნიშნა ათწილადი, პრეტენდენტი ვალდებულია ერთეულის ღირებულება შეამციროს და დაამრგვალოს მესამეხარისხამდე, შესაბამისად შეამციროს საერთო ღირებულებაც.

4. პრეტენდენტის მიერ შემოთავაზებული საქონლის კონკრეტული დასახელება, საქონლის ტექნიკური მახასიათებლები, წარმოშობის ქვეყანა/მწარმოებელი ან ბრენდი, ერთეულის ფასი და საერთო ფასი, ინფორმაცია შემოთავაზებული საქონლის მიწოდების ვადებისა და პირობების შესახებ, ასევე ინფორმაცია შემოთავაზებული საქონლის საგარანტიო ვადის შესახებ მითითებულ უნდა იქნეს სატენდერო პირობების 1.3 პუნქტით გათვალისწინებულ დანართ №1-ში ამავე დანართით გათვალისწინებული პირობების შესაბამისად (დანართი №1 ატვირთულ უნდა იქნეს ერთიან ელექტრონულ სისტემაში);

5. „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-3 მუხლის მე-3 და მე-4 პუნქტების საფუძველზე პრეტენდენტები ვალდებული არიან სახელმწიფო შესყიდვებში ერთიან ელექტრონულ სისტემაში ასატვირთ ელექტრონულ დოკუმენტებზე (გარდა სატენდერო დოკუმენტაციის 2.7.1 და 4.1.1 პუნქტებით მოთხოვნილი დოკუმენტებისა) შეასრულონ კვალიფიციური ელექტრონული ხელმოწერა ან/და ეს დოკუმენტები დაამოწმონ კვალიფიციური ელექტრონული შტამპით (იხ. ინსტრუქცია შემდეგ ბმულზე: ([http://procurement.gov.ge/getattachment/News/news-\(50\)/eSignature_25-Dec-18.pdf.aspx](http://procurement.gov.ge/getattachment/News/news-(50)/eSignature_25-Dec-18.pdf.aspx)).

თუ აღნიშნული ვალდებულება დროებით/მუდმივად შეჩერებულ/გაუქმებულ იქნა სხვა ნორმატიული აქტით, პრეტენდენტი თავისუფლდება მოცემული პირობისგან. ასეთ შემთხვევაში დოკუმენტზე შესრულებულ უნდა იქნეს ხელმძღვანელის ან სხვა უფლებამოსილი პირის მიერ სველი ხელმოწერა (ერთიან ელექტრონულ სისტემაში უფლებამოსილი პირის მიერ ხელმოწერილი დოკუმენტების ატვირთვის შემთხვევაში, ასევე ატვირთულ უნდა იქნეს მისი უფლებამოსილების დამადასტურებელი შესაბამისი დოკუმენტ(ებ)ი).

6. შემსყიდველის მიერ მოთხოვნილი ყველა დოკუმენტი ან/და ინფორმაცია პრეტენდენტის მიერ ატვირთულ უნდა იქნეს ერთიან ელექტრონულ სისტემაში; დოკუმენტის უცხოურ ენაზე წარდგენის შემთხვევაში, მას უნდა დაერთოს საქართველოს მოქმედი კანონმდებლობის შესაბამისად დამოწმებული თარგმანი ქართულ ენაზე.

7. პრეტენდენტის მიერ ერთიან ელექტრონულ სისტემაში ატვირთული ყველა დოკუმენტი ან/და ინფორმაცია ხელმოწერილი უნდა იყოს ხელმძღვანელის ან უფლებამოსილი პირის მიერ (ერთიან ელექტრონულ სისტემაში უფლებამოსილი პირის მიერ ხელმოწერილი დოკუმენტების ატვირთვის შემთხვევაში ასევე ატვირთულ უნდა იქნეს მისი უფლებამოსილების დამადასტურებელი შესაბამისი დოკუმენტ(ებ)ი).

8. შემსყიდველის მოთხოვნის შემთხვევაში, მოთხოვნის შესაბამისად პრეტენდენტმა უნდა წარმოადგინოს იმ მოთხოვნილი დოკუმენტების დედანი ან/და საქართველოს მოქმედი კანონმდებლობის შესაბამისად დამოწმებული ასლ(ებ)ი, რომელიც იყო ატვირთული ერთიან ელექტრონულ სისტემაში;

9. პრეტენდენტს არ აქვს უფლება წარმოადგინოს ალტერნატიული წინადადება.

▼ შესყიდვის ობიექტის ნიმუში ან/და ექსპერტიზის დასკვნა

☐ 3.1 მოითხოვება თუ არა ნიმუშის ან/და ნიმუშის ექსპერტიზის დასკვნის წარმოდგენა?

არა

▼ ფასწარმოქმნის ადეკვატურობის დამადასტურებელი დოკუმენტ(ებ)ი

☐ 4.1 მოითხოვება თუ არა სავარაუდო ღირებულებასთან შედარებით საბოლოო ფასის 20%-ით ან მეტი კლების შემთხვევაში ფასწარმოქმნის ადეკვატურობა?

კი

☐ 4.1.1 მიუთითეთ, კონკრეტულად თუ რა დოკუმენტ(ებ)ით უნდა დაასაბუთოს პრეტენდენტმა ფასწარმოქმნის ადეკვატურობა

4.1.1.1 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტი დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას, რაზეც პრეტენდენტის მიერ წარმოდგენილი უნდა იქნას ექსპერტიზის ან/და აუდიტის მიერ გაცემული შესაბამისი დასკვნა (დასკვნასთან ერთად წარმოდგენილ უნდა იქნას დასკვნის გამცემი პირის უფლებამოსილების დამადასტურებელი დოკუმენტ(ებ)ის ასლი), რომელშიც უნდა დასტურდებოდეს (ტექსტობრივად მკაფიოდ უნდა იკვეთებოდეს) ტენდერში პრეტენდენტის მიერ ატვირთულ საბოლოო ფასების ცხრილში (შესაბამისი ტენდერის უნიკალური ნომრის მითითებით) დაფიქსირებული ერთეულის ფასებით და აგრეთვე ჯამური ღირებულებით ამავე ფასების ცხრილით განსაზღვრული საქონლის მიწოდების შესაძლებლობა.

4.1.1.2 დასკვნის წარმოდგენლობა ან/და უარყოფითი დასკვნის წარმოდგენა გამოიწვევს შესაბამისი პრეტენდენტის დისკვალიფიკაციას. ფასწარმოქმნის ადეკვატურობის დასაბუთებაზე ვრცელდება სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანების მე-18 მულის მე-6, მე-7 პუნქტებისა და 28-ე მუხლის პირველი, მე-2, მე-3, მე-5, მე-6 და მე-7 პუნქტებით განსაზღვრული წესები.

☐ 4.1.2 მიუთითეთ ფასწარმოქმნის ადეკვატურობის დამადასტურებელი დოკუმენტ(ებ)ის წარმოდგენის ვადა

მოთხოვნიდან 3 სამუშაო დღის ვადაში

▼ **სარეგისტრაციო/უფლებრივი მონაცემების ამსახველი დოკუმენტ(ებ)ი**

☐ 5.1 მოითხოვება თუ არა პრეტენდენტის სარეგისტრაციო/უფლებრივი მონაცემების ამსახველი დოკუმენტ(ებ)ი?

არა

▼ **ხელშეკრულების შესრულების უზრუნველყოფის გარანტია**

☐ 6.5 მოითხოვება თუ არა ხელშეკრულების შესრულების უზრუნველყოფის გარანტია?

არა

▼ **ანგარიშსწორების პირობები**

☐ 7.1 გამოიყენება თუ არა წინასწარი ანგარიშსწორება?

არა

☐ 7.2 მიუთითეთ ეტაპობრივი ან/და საბოლოო ანგარიშსწორების განხორციელების პირობები

- ანგარიშსწორება განხორციელდება ფაქტობრივად მოწოდებული და დამონტაჟებული შესყიდვის ობიექტის მიხედვით.

- ანგარიშსწორების ვალუტა - ლარი.

- გადახდის ფორმა იქნება უნაღდო, გადარიცხვა მოხდება მიმწოდებლის საბანკო ანგარიშზე.

☐ 7.3 მიუთითეთ ეტაპობრივი ან/და საბოლოო ანგარიშსწორების განხორციელების ვადები(სახელმწიფო შესყიდვების სააგენტოს რეკომენდაციაა ხელშეკრულების შესრულების დამადასტურებელი დოკუმენტის გაფორმებიდან არაუგვიანეს 10 სამუშაო დღე)

ანგარიშსწორება განხორციელდება ფაქტობრივად მიწოდებული და დამონტაჟებული საქონლის მიხედვით, შესაბამისი „მიღება-ჩაბარების“ აქტ(ებ)ის გაფორმებისა და საქართველოს კანონმდებლობით დადგენილი შესაბამისი დოკუმენტების წარმოდგენიდან 10 (ათი) სამუშაო დღის განმავლობაში.

▼ **ხელშეკრულების პროექტი**

☐ 8.1 ატვირთეთ ხელშეკრულების პროექტი

▼ **საკონტაქტო პირის შესახებ ინფორმაცია**

☐ 9.1 მიუთითეთ სატენდერო კომისიის აპარატის საკონტაქტო წევრის ვინაობა და მონაცემები

უჩა ცუცქირიძე, 577771814, uchacucqiridze10@gmail.com

▼ **დამატებითი ინფორმაცია/დოკუმენტები**

☐ ☐ 10.1 დამატებითი ინფორმაცია/დოკუმენტები (ველის შევსება არ არის სავალდებულო)

დამატებითი ინფორმაცია:

• ერთიან ელექტრონულ სისტემაში ელექტრონულად შევსებული სატენდერო დოკუმენტაციის ველეზში მოცემული პირობების შესახებ დამატებითი ინფორმაციისა და განმარტებების მოთხოვნა შესაძლებელია სისტემის შესაბამისი მოდულის მეშვეობით ან/და სატენდერო კომისიის აპარატის იმ წევრისგან, რომლის საკონტაქტო ინფორმაციაც მითითებულია სატენდერო დოკუმენტაციის 9.1 პუნქტის ველში;

• შემსყიდველ ორგანიზაციასა და პრეტენდენტს შორის ნებისმიერი მიმოწერა მიმდინარეობს სისტემის შესაბამისი მოდულის მეშვეობით და სისტემის გამოყენების გარეშე მიმოწერა სავალდებულო არ არის. შეტყობინება ოფიციალურად მიღებულად ჩაითვლება მისი სისტემაში ატვირთვის მომენტიდან;

• ელექტრონულად შევსებული სატენდერო დოკუმენტაციის პირობების ველეზსა და ატვირთულ დოკუმენტებს შორის წინააღმდეგობის არსებობის შემთხვევაში უპირატესობა ენიჭება სატენდერო დოკუმენტაციის ველეზს;

• პრეტენდენტის მიერ სახელმწიფო შესყიდვის განხორციელების ნებისმიერ ეტაპზე, სახელმწიფო შესყიდვების ერთიან ელექტრონულ სისტემაში ატვირთული ან შემსყიდველისთვის გადაცემული პერსონალური ინფორმაცია, საქართველოს შსს საპატრულო პოლიციის დეპარტამენტის მიერ, „პერსონალურ მონაცემთა დაცვის შესახებ“ საქართველოს კანონის შესაბამისად, შესაძლებელია დამუშავდეს სახელმწიფო შესყიდვის მიზნებისთვის.

▼ სატენდერო პირობების დამტკიცების შესახებ სატენდერო კომისიის სხდომის ოქმი

☐ 11.1 ატვირთეთ სატენდერო პირობების დამტკიცების შესახებ სატენდერო კომისიის სხდომის ოქმი

ფასების ცხრილი
დანართი №1

№	შესყიდვის ობიექტი და მისი მახასიათებლები	წარმოშობის ქვეყანა/ მწარმოებელი ან ბრენდი	განზ. ერთ	რ-ობა	ერთ. ფასი	საერთო ფასი	მიწოდების/მონტაჟის ვადა	მიწოდების/მონტაჟის ადგილი	საგარანტიო ვადა
1	2	3	4	5	6	7	8	9	10
1	შსს/სუს არსებულ პროგრამულ უზრუნველყოფასთან თავსებადი წამკითხველი (მაგ: XPASS2 (EM=Mifare) წამკითხველი XP2-MDPB ან მისი მსგავსი) (მონტაჟით)		ცალი	8			ხელშეკრულების ძალაში შესვლის დღიდან 10 (ათი) სამუშაო დღის განმავლობაში	ქ. თბილისი, ნოე რამიშვილის ქ. N38, შსს საპატრულო პოლიციის დეპარტამენტის ადმინისტრაციული შენობა.	1 წელი
2	არსებულ სისტემასთან თავსებადი 5 პორტიანი ქსელური გამანაწილებელი (მონტაჟით)		ცალი	4					
3	აკუმულატორი 12ვ 7.2ა/სთ (მონტაჟით)		ცალი	4					

შენიშვნა:

- მე-3, მე-6, მე-7 გრაფები ივსება პრეტენდენტის მიერ;

- მე-3 გრაფაში პრეტენდენტის მიერ მითითებულ უნდა იქნეს ინფორმაცია შემოთავაზებული საქონლის მწარმოებელი ქვეყნისა და მწარმოებლის ან ბრენდის და მოდელის (ასეთის არსებობის შემთხვევაში) შესახებ;
- მე-10 გრაფაში მითითებული საგარანტიო ვადის პრეტენდენტის მიერ გაზრდის შემთხვევაში შესაძლებელია მისი შეცვლა.

პრეტენდენტის ხელმოწერა _____

ბ.ა

/ /

ხელმოწერის სახელი, გვარი

სახელმწიფო შესყიდვების შესახებ ხელშეკრულების პროექტი

ქ. თბილისი

_____ 20-- წელი

ხელშეკრულება ძალაში შედის 2022 წლის 01 იანვრიდან და მოქმედებს 2022 წლის 31 დეკემბრის ჩათვლით.

წინამდებარე ხელშეკრულება გაფორმებულია NAT _____ აუქციონის გარეშე ელექტრონული ტენდერის საფუძველზე.

1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - „სახელმწიფო შესყიდვების შესახებ“ საქართველოს კანონისა და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანების საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით, ასევე, მთელი დოკუმენტაციით, რომელზეც ხელშეკრულებაში არის მინიშნებები.
- 1.2. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.3. „მიმწოდებელი ორგანიზაცია“ (შემდგომ „მიმწოდებელი“) ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;
- 1.4. „ხელშეკრულების ღირებულება“/„ხელშეკრულების ფასი“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული.

2. ხელშეკრულების დამდები მხარეები:

შემსყიდველი: შსს საპატრულო პოლიციის დეპარტამენტი ს/კ 205041177, საფინანსო-სამეურნეო უზრუნველყოფის სამმართველოს უფროსი შალვა ბულაშვილი.

მისამართი: თბილისი, ნოე რამიშვილის ქ. №38. ტელ: 241 87 13;

საბანკო რეკვიზიტები: ა/ა GE24NB0330100200165022, „საქართველოს სახ. ხაზინა“, კოდი TRESGE22.

მიმწოდებელი: „-----“; ს/კ -----; ხელმძღვანელი: -----;

მისამართი: -----, ტელ: -----, ელ. ფოსტა: -----;

საბანკო რეკვიზიტები: სს „-----“, კოდი: -----, ა/ა -----.

3. ხელშეკრულების საგანი

3.1. ხელშეკრულების საგანს წარმოადგენს:

დაშვების საბარათე სისტემა (მონტაჟით) (CPV - 35121000)

(საქონლის მოკლე აღწერა)

- 3.2. საქონლის კონკრეტული დასახელება, ტექნიკური მახასიათებლები, მწარმოებელი ქვეყანა, მწარმოებელი ან ბრენდი და რაოდენობა მოცემულია დანართ №1-ში.
- 3.3. 3.1 პუნქტით გათვალისწინებული საქონელი უნდა აკმაყოფილებდეს ერთიან ელექტრონულ სისტემაში ელექტრონულად შევსებული სატენდერო დოკუმენტაციის ველებში მოცემულ პირობებსა და ხელშეკრულების პირობებს, ამასთან, შესაბამისობაში უნდა იყოს ტექნიკურ დავალებასა და ფასების ცხრილში (დანართი №1) მოყვანილ ტექნიკურ მახასიათებლებთან.
- 3.4. მიმწოდებელი ვალდებულია მიაწოდოს „შემსყიდველს“ ხელშეკრულების 3.1. პუნქტით გათვალისწინებული საქონელი ერთიან ელექტრონულ სისტემაში ელექტრონულად შევსებული სატენდერო დოკუმენტაციის ველებში მოცემული პირობებისა და ხელშეკრულების პირობების, ასევე ფასების ცხრილით განსაზღვრული პირობების შესაბამისად.

4. ხელშეკრულების ფასი

4.1. ხელშეკრულების ფასი შეადგენს:

(თანხა ციფრებით და სიტყვიერად)

- 4.2. მოსაწოდებელი საქონლის ერთეულის ფასი და საერთო ფასი მოყვანილია დანართ №1-ში.
- 4.3. საქონლის ერთეულის ფასი და ხელშეკრულების ფასი შეიცავს მიმწოდებლის ყველა ხარჯს, მათ შორის ტრანსპორტირების, მონტაჟის ხარჯსა და საქართველოს კანონმდებლობით დადგენილ ყველა გადასახადს, დაკავშირებულს საქონლის მიწოდებასთან და „შემსყიდველის“ საკუთრებაში გადაცემასთან.
- 4.4. „შემსყიდველი“ იღებს ვალდებულებას აუნაზღაუროს „მომწოდებელს“ ხელშეკრულების ფასი ხელშეკრულებით განსაზღვრულ ვადებში და ფორმით.
- 4.5. ფასების შეცვლა შესაძლებელია მხოლოდ მხარეთა წერილობითი შეთანხმების საფუძველზე საქართველოს კანონმდებლობით გათვალისწინებულ შემთხვევებში, მათ შორის საქართველოს სამოქალაქო კოდექსის 398-ე მუხლით გათვალისწინებულ შემთხვევებში.
- 4.6. ხელშეკრულებაში დაფიქსირებული ღირებულების გაზრდის შემთხვევაში მისმა ოდენობამ არ უნდა გადააჭარბოს თავდაპირველად დადებული ხელშეკრულების ღირებულების 10%-ს.

5. ხარისხი

- 5.1. მიწოდებულ და დამონტაჟებულ საქონელზე საგარანტიო ვადის ათვლა იწყება საქონლის დამონტაჟების დღიდან და მიუხედავად ხელშეკრულების მოქმედების ვადისა მოქმედებს დანართი №1-ში მითითებული ვადის შესაბამისად.
- 5.2. „მიმწოდებელი“ იძლევა გარანტიას, რომ მის მიერ მიწოდებული და დამონტაჟებული საქონელი არ იქნება ექსპლუატაციაში ნამყოფი, იქნება ქარხნული წარმოების, არ იქნება დაზიანებული, არ გამოავლენს ხარვეზებს და იქნება მოხმარებისთვის ვარგისი, წინააღმდეგ შემთხვევაში, იგი ვალდებულია საკუთარი სახსრებით თავად

უზრუნველყოს საგარანტიო პერიოდში აღმოჩენილი ზიანის აღმოფხვრა - შეკეთების შემთხვევაში: შემსყიდველის მხრიდან შეტყობინების მიღებიდან **5 სამუშაო** დღის, ხოლო უვარგისი ან/და წუნდებული საქონლის შეცვლის შემთხვევაში: **5 სამუშაო** დღის ვადაში.

- 5.3. მიმწოდებელი იძლევა გარანტიას, რომ მიწოდებული საქონლის მონტაჟის მომსახურება მის მიერ გაწეული იქნება მაღალხარისხოვნად, წინააღმდეგ შემთხვევაში, იგი ვალდებულია საკუთარი სახსრებით თავად უზრუნველყოს საგარანტიო პერიოდში აღმოჩენილი ნებისმიერი ხარვეზის აღმოფხვრა, ასევე აღნიშნული მონტაჟის მომსახურების გაწევის პროცესში და საგარანტიო პერიოდში არახარისხოვნად გაწეული მონაჟის მომსახურების შედეგად გამოვლენილი ნებისმიერი სახის ზიანის აღმოფხვრა შემსყიდველის მხრიდან შეტყობინების მიღებიდან **5 სამუშაო დღის ვადაში**.
- 5.4. მიმწოდებელი ვალდებულია უზრუნველყოს ამ ხელშეკრულებით განსაზღვრული მონტაჟის მომსახურების უსაფრთხოდ გაწევა და საქართველოს მოქმედი კანონმდებლობის შესაბამისად დაიცვას ის ძირითადი მოთხოვნები და პრევენციული ღონისძიებების ზოგადი პრინციპები, რომლებიც უკავშირდება სამუშაო ადგილზე შრომის უსაფრთხოების საკითხებს, არსებულ და მოსალოდნელ საფრთხეებს, უბედური შემთხვევებისა და პროფესიული დაავადებების თავიდან აცილებას, დასაქმებულთა შრომის უსაფრთხოებასა და ჯანმრთელობის დაცვას. იგი პასუხისმგებელია ამ პუნქტით გათვალისწინებული პირობების დაუცველობით გამოწვეულ შედეგებზე.
- 5.5. შეტყობინება შესაძლებელია განხორციელდეს როგორც წერილობით, ისე ელექტრონული ფოსტის საშუალებით ერთიან ელექტრონულ სისტემაში მიმწოდებლის პროფილში მითითებულ ელექტრონულ ფოსტაზე, ან მიმწოდებლის მიერვე შემსყიდველისთვის მითითებულ სხვა ელექტრონულ ფოსტაზე. შეტყობინება ასევე შესაძლებელია განხორციელდეს მხარეთა მიერ შეთანხმებული სხვა ნებისმიერი ფორმით.

6. მიწოდების წესი

- 6.1. საქონლის მიწოდებას და მონტაჟს უზრუნველყოფს „მიმწოდებელი“ საკუთარი ხარჯებით, ხელშეკრულების გაფორმების შემდეგ დანართ №1-ში მითითებული ვადებისა.
- 6.2. „მიმწოდებელი“ ვალდებულია საქონლის მიწოდებისას უზრუნველყოს საქართველოს კანონმდებლობით გათვალისწინებული თანმხლები დოკუმენტაციის სრულად წარმოდგენა.
- 6.3. „მიმწოდებლის“ მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე, ასევე შესყიდვის ობიექტის ხარისხზე „შემსყიდველის“ მხრიდან ინსპექტირებას განახორციელებს შსს საპატრულო პოლიციის დეპარტამენტის საფინანსო-სამეურნეო უზრუნველყოფის სამმართველოს **შენობათა და მატერიალურ ფასეულობათა ექსპლუატაციის განყოფილება**, რომელიც უფლებამოსილია კონტროლი განახორციელოს, როგორც საქონლის მიწოდების დროს, ასევე, ხელშეკრულების მოქმედების მთელი პერიოდის განმავლობაში, ხოლო მიმწოდებელი ვალდებულია ხელი შეუწყოს მას ინსპექტირების ჩატარებისას და მიაწოდოს ყველა საჭირო დოკუმენტი შემსყიდველის მოთხოვნათა შესაბამისად.
- 6.4. „შემსყიდველი“ უფლებამოსილია, როგორც საქონლის მიწოდების დროს, ასევე, ხელშეკრულების მოქმედების მთელი პერიოდის განმავლობაში განაცხადოს უარი დაგვიანებით მიწოდებული, ან უხარისხო (წუნდებული), ან არასრული თანმხლები დოკუმენტაციის მქონე საქონლის პარტიის მიღებაზე.
- 6.5. საქონლის გადაცემა დასტურდება ორივე მხარის მიერ მიღება-ჩაბარების აქტზე ხელის მოწერით.

- 6.6. საქონლის მიწოდება და მონტაჟი დასტურდება ორივე მხარის მიერ შესაბამისი მიღება-ჩაბარების აქტზე ხელის მოწერით.
- 6.7. „მიმწოდებელი“ ვალდებულია გადასცეს „შემსყიდველს“ უფლებრივად და ნივთობრივად უნაკლო საქონელი.

7. ანგარიშსწორების წესი

- 7.1. ანგარიშსწორება მიმწოდებელთან განხორციელდება საქონლის მიწოდების და დამონტაჟების შემდეგ შესაბამისი მიღება - ჩაბარების აქტ(ებ)ისა და საქართველოს კანონმდებლობით გათვალისწინებული შესაბამისი დოკუმენტების წარმოდგენიდან **10 (ათი) სამუშაო დღის განმავლობაში**.
- 7.2. ანგარიშსწორების ვალუტა - ლარი.
- 7.3. ანგარიშსწორების ფორმა იქნება უნაღდო, გადარიცხვა მოხდება მიმწოდებლის საბანკო ანგარიშზე.
- 7.4. 7.1 პუნქტის შესრულებისათვის, წარმოდგენილი დოკუმენტაციის სისრულეზე და რეალობაზე პასუხისმგებელია 6.3 პუნქტში მითითებული განყოფილება.

8. მხარეთა პასუხისმგებლობა

- 8.1. ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის ან/და დაგვიანებით შესრულების შემთხვევაში გამოიყენება საჯარიმო სანქციები.
- 8.2. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (გარდა შესრულების ვადის დარღვევისა) შემთხვევაში მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების **1%-ის** ოდენობით.
- 8.3. ხელშეკრულებით ნაკისრი ვალდებულებების შესრულების (საქონლის მიწოდების ვადა) ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების ღირებულების **0.50%-ის** ოდენობით.
- 8.4. ხელშეკრულებით ნაკისრი ვალდებულებების, კერძოდ, ხარვეზის აღმოფხვრის ან/და ნაკლის გამოსწორებისათვის განსაზღვრული ვადის გადაცილებისათვის ყოველ კონკრეტულ ფაქტზე მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების ღირებულების **0.50%-ის** ოდენობით.
- 8.5. მიმწოდებლის მიზეზით ხელშეკრულების შეწყვეტის შემთხვევაში მიმწოდებელს დაეკისრება ჯარიმა ხელშეკრულების საერთო ღირებულების **5%-ის** ოდენობით (იმ შემთხვევაში, თუ მიმწოდებლის მიერ სისტემაში დაფიქსირებული საბოლოო ფასი **20%-ით** ან მეტით დაბალია შესყიდვის ობიექტის სავარაუდო ღირებულებაზე, ხელშეკრულების შეწყვეტის შემთხვევაში მიმწოდებელი დაჯარიმდება ხელშეკრულების ღირებულების **10%-ის** ოდენობით).
- 8.6. საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) ჩაბარებიდან ან/და ხელშეკრულების მე-2 პუნქტში მითითებულ ელექტონულ ფოსტაზე შეტყობინების გადაგზავნიდან არაუგვიანეს 1 (ერთი) თვის ვადაში. აღნიშნულ ვადაში ჯარიმის გადაუხდელობის შემთხვევაში შემსყიდველი უფლებამოსილია მიმართოს კანონით გათვალისწინებულ ღონისძიებებს.

9. ფორს-მაჟორი

- 9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და არსებობის შემთხვევაში – ხელშეკრულების შესრულების უზრუნველყოფის გარანტიის დაუბრუნებლობას.
- 9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველის“ ან/და „მიმწოდებლის“ შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.
- 9.4. ფორს-მაჟორული პირობების გათვალისწინება რეგულირდება მოქმედი კანონმდებლობის შესაბამისად.

10. სხვა პირობები

- 10.1. მხარეთა შორის სადავო საკითხები წყდება მხარეთა მოლაპარაკების გზით. 30 დღის განმავლობაში შეთანხმების მიუღწევლობის შემთხვევაში საკითხს განიხილავს სასამართლო.
- 10.2. ხელშეკრულებაში დამატებების ან/და ცვლილებების შეტანა შესაძლებელია მხოლოდ წერილობითი ფორმით მხარეთა უფლებამოსილი წარმომადგენლების ხელმოწერით.
- 10.3. შემსყიდველი უფლებამოსილია ცალმხრივად შეწყვიტოს აღნიშნული ხელშეკრულება თუ:
 - ა) გარდა საქონლის მიწოდების ვადების ან/და ხარვეზის აღმოფხვრის ან/და ნაკლის გამოსწორებისთვის განსაზღვრული ვადების დარღვევისა, მიმწოდებლის მხრიდან დაფიქსირდება ხელშეკრულების სხვა ნებისმიერი პირობის დარღვევის 5 ან მეტი ფაქტი;
 - ბ) მიმწოდებლის მიერ საქონლის მიწოდების ვადის ან/და ხარვეზის აღმოფხვრის ან/და ნაკლის გამოსწორებისთვის განსაზღვრული ვადების დარღვევისთვის დაკისრებული პირგასამტეხლობის ჯამური ოდენობა მიაღწევს 10%-ს;
 - გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - დ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო

ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

- 10.4. თუ რომელიმე მხარე ვერ უზრუნველყოფს ხელშეკრულებით ნაკისრი ვალდებულებების შესრულებას, ან არაჯეროვნად ასრულებს მათ, მეორე მხარე უფლებამოსილია მოშალოს ეს ხელშეკრულება ცალმხრივად, რაზედაც მხარემ უნდა შეატყობინოს მეორე მხარეს **10 დღით ადრე**.
- 10.5. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.
- 10.6. ხელშეკრულების შეწყვეტა პირობების დარღვევის გამო არ ათავისუფლებს „მიმწოდებელს“ ხელშეკრულების შეუსრულებლობისთვის გათვალისწინებული პასუხისმგებლობისაგან.
- 10.7. ეს ხელშეკრულება დადებულია ერთიან ელექტრონულ სისტემაში ელექტრონულად შევსებული სატენდერო დოკუმენტაციის ველებში მოცემული პირობებისა და გამარჯვებული პრეტენდენტის (ამ ხელშეკრულებით – მიმწოდებლის) ტექნიკური დოკუმენტაციით განსაზღვრული პირობების საფუძველზე.

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად.

შემსყიდველის მხრიდან:

მიმწოდებლის მხრიდან:
